

A*rubá***A***ntaño*

Den nos Aruba di Antaño ta hopi ta e cosnan cu a bay pero semper a laga atras recuerdonan y hasta e partinan cu por y tin di ser considera como algo histórico di e pida barranca aki. Awe nos ta corda riba e waf di Eagle y e Arend Petroleum Maatschappij. E dosnan aki a forna parti grandemente di e tempo di antaño di nos dushi Aruba. Cuanto barri di petroleo no a pasa via tubonan pa e compania di Eagle, riba e waf aki. Fuera di esey cu tempo el a bira un di e sitionan pa e diver-

sion y e necesidad di pesca. Ora cu e segunda guerra mundial a inclui Aruba den su accionnan, e waf aki tabata testigo di e bapor Arkansas cu a ser torpedeá ora cu e tabata mará na e waf. Otro torpedo a cana subi e santo blanco pariba di dje. Nos soldánan (schutternan) den e servicio militar a corre masha hopi warda, tanto como schildwacht como na e metralleur cu tabata na e punta banda di pabao di e waf. Durante e wardanan tení, mester a bisti meya na man pa evita e ashibi nan cu ta pica nan. Dilanti di caminda e aki ta a pasa durante nos Aruba Antaño, un di e heroenan venezolano Fran-

cisco de Miranda; e veterano di e guerra na Europa y precursor di e independencia di Venezuela. Riba e terreno mes di Eagle (Arend Petroleum Mij.) e oficina principal y for di unda a bini tambe e apellido Mer-ryweather riba Aruba, y e conocido Scottie. E edificio aki awendia ta nos Touristen Bureau. Waf di Eagle y e Arend Petroleum Mij. tambe a forma parti di nos Aruba Antaño.